



# Synfocity = 936

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

May 9, 2024

## ❑ Synod Hospital Board vawi 147-na an ðu

May 7, 2024 (Thawhlejni) chawhma dar 10:00-ah Synod Hospital Board an ðu khawm a. Board ðut khawm vawi 147-na hi Rev. R. Vanlalngbaka, Synod Moderator-in a kaihrui a, hming lam a nih hnuah Dr. Lalðhakima, Board Secretary-in report a pe zui a ni.

Report-ah hian Dr. R.L. Sanghlunan Medical Superintendent hna a zawm thu te, Synod Hospital Chawlbuk hawn a nih thu te, Healing Ministry Week hman a nih thu te, Central Kohhran Hmeichhia atanga Synod Hospital tan ₹ 10,79,316 leh John Williams Hospital tan ₹ 4,00,000 dawn a nih thu te, sawrkar kum kal ta chhunga Charity Fund atanga damlo awm man pe thei lo mi 863-te tana ₹ 2,18,04,753 peksak a nih thu ngaihtlak a ni.

Tun ðum Hospital Board ðut khawmah hian thu ngaihtuah tur eng emaw zat chhawp chhuah a ni a. Nursing College Recruitment Rules leh Hospital Manual en ðat rawtna te, MRI dahna buatsaih leh a lei dan tur chungchang te bakah thawktute kai san dilpuina te, post ruak hnawh khah dilna te, post thar siam dilna te leh ðul dangte ngaihtuah a ni bawk a ni.

Kum 2024 April thla chhung khan Synod Hospital-ah hian mi 1049 admit an ni a, nau piang 128 awmin mitthi hi 25 an awm thung a ni. Hospital OPD leh Dr. Fraser's Clinic-a inentir hi an vaiin mi 6292 an ni bawk. John Williams Hospital-ah hian 2024 January-April chhungin OPD-ah mi 1969 an inentir a, damlo 357 admit an ni a, nau dama piang 72 awmin mitthi 2 an awm a ni.

## ❑ Synod Pastoral Committee an ðu

May 8, 2024 (Nilaini) chawhma dar 10:00 khan Synod Pastoral Committee chu term kal lai meka a vawi 7-na atan an ðu khawm a. Meeting hi Rev. R. Vanlalngbaka, Synod Moderator-in a kaihrui a, hming lam a nih hnuin Synod Secretary a damloh avangin a aiawhin Rev. C. Zoramawia, Senior Executive Secretary hnen aþangin report ngaihtlak a ni.

Secretary report-ah hian January 14, 2024-ah Pastor leh Probationary Pastor-te induction tluang taka neih a nih thu te, Bial thenkhat, bialtu turin an zawm hmaa lo enkawl tur leh hmuitu tur ruat an nih thu te, 2023 Synod-in a rel anga bial thar paruk tluang taka hawn a nih thu te, January 30-February 2, 2024 chhunga Pro. Pastor Orientation neih a nih thu te ngaihtlak a ni a. Meeting leh Meeting inkarah minister paruk - Rev. T. Lalthantluanga, Rev. T.M. Thangzaliana, Rev. Dr. Chuauthuama, Rev. Alfred Lalruatfela, Rev. T. Rosangliana leh Rev. Chalhnuna ten chatuan ram an pan thu report a ni bawk.

Pastoral Committee ðut khawmah hian Thembasuk Vaiphei Kohhranten Tangphai Provisional Synod zawm an duh chungchang te, Pastor thawk laiten zirna sang zawk zir leh an dilna chungchang te ngaihtuah a ni.

## ❑ Synod Social Front Committee vawi 198-na

May 9, 2024 (Ningani) chawhma dar 10:00 khan J.M. Lloyd Hall-ah Synod Social Front Committee an ðu a. ðut khawm vawi 198-na hi Rev. R. Vanlalngbaka, Synod Moderator-in a kaihrui a, Rev. V.L. Luaia Hranleh, Executive Secretary i/c Social Front-in Secretary report a pe a ni.

Report-ah hian Awareness Campaign booklet chhut thar a nih thu te, NEICORD-in Trauma Healing Convening Meeting a buatsaiha Synod Social Front aiawha mi 15 an tel thu te, meeting leh meeting inkarah kohhran hrang hrang parukah Social Front campaign-a chhuah a nih thu te ngaihtlak a ni bawk.

Committee ðut khawmah hian thu ngaihtuah tur eng emaw zat chhawp chhuah a ni a. Ram ngaw, nungcha leh tuihna humhalh chungchanga hmalak dan tur rawtna te, pian pun chungchanga hmalak dan tur ruahmanna te leh Mizo mipa thi rate san zel chhan zir chianna te chu thlir ho a ni a. Mizoram forest dinhmun ngaihtuaha hma lak chungchang te, SEC-in Synod Inkhawmpui thu Social Front bawhzui tura a dah chungchang te, Moral reforms leh Political education-a nasa lehzuala hma lak chungchang te leh thu pawimawh dangte ngaihtuah ho a ni bawk.

Synod Social Front Committee hi kum khatah vawi hnih an ðu ðin a, Nov. 5, 2024-ah an ðu leh dawn a ni.

Contd...

❑ **Synod Prison Ministry**

Synod Prison Ministry Committee chuan May 7, 2024 (Thawhlejni) khan Chite Venga 'Khawngaihna In' an tlawh a. Prison Ministry leh Khawngaihna In thawh ho dan tur chungchang sawiin hlim takin an inkawm ho va. Synod Prison Ministry hmalakna te Rev. Lalhmuchhuaka, Prison Ministry Director-in a sawi a. Tlai lamah zanrih an ei ho nghal a ni.

Prison Ministry hi Rev. Dr. K. Lallawmzuala, Executive Secretary hovin an kal a, Khawngaihna In Home Father, Pu Lalramnghinglova leh Rev. Lalrinmawia, Director/Secretary te leh an thawhpuiten an lo dawngsawng a ni.

❑ **Kohhran Hmeichhia**

May 11-12, 2024 chhung hian Leadership Training leh Kristian Chhungkaw Campaign nei turin Central Kohhran Hmeichhe hruaitute hetiang hian an kal ang:

Kolasib Venglai Bial - Pi Lalchhingpuii leh Pi Lalthansangi

Kolasib Diakkawn Bial - Pi Lawmkimi leh Pi Saiṭhuamluui

Biate Bial - Pi Lamchhingi, Pi Lalthanzauvi leh Pi Lalengzami

Thingsulthliah Bial - Pi Lalthanzami leh Pi Lalrinawmi

❑ **Worship**

May 11-12, 2024 chhung hian Marpara North Kohhranah Worship Seminar neihpui turin Worship committee member-te, Rev. F. Lalhmingthanga leh Rev. T.C. Laltlanzova te an kal ang.

❑ **Social Front**

♦ May 11-12, 2024 chhung hian Hualtu Kohhranah Tleirawlte nun kawng kawhhmuh Awareness Campaign nei turin Dr. Robert S. Halliday, campaigner a kal ang.

♦ May 11-12, 2024 chhung hian Champhai Vengsang Bialah Pian pun chungchang Awareness Campaign nei turin Rev. Lalbiaksanga, FG&CC Counsellor a kal ang.

♦ May 12, 2024 (Pathianni) hian Chanmari West Kohhranah Social Front Campaign turin Rev. Lalrinmawia, campaigner a kal ang.

❑ **Synod Mission Board**

♦ **Jharkhand Mission Field**

May 5, 2024 (Pathianni) khan belhtu thar pali an awm.

♦ **Delhi Mission Field**

May 5, 2024 (Pathianni) khan belhtu thar pahnih an awm.

♦ **Nepal Mission Field**

May 5, 2024 (Pathianni) khan belhtu thar pathum an awm.

♦ **Karbi Anglong Mission Field**

May 5, 2024 (Pathianni) khan belhtu thar pakhat a awm.

♦ **Arunachal & Assam Mission Field (West)**

May 5, 2024 (Pathianni) khan belhtu thar pakhat a awm a, kohhran dang aṭangin mi pakhat kan kohhran a rawn inpe bawk.

♦ **Ramthar Campaign**

May 12, 2024 (Pathianni) hian Bawngkawn Kohhranah Ramthar Campaign nei turin Rev. R. Lalhmingsanga, Secretary, Synod Mission Board a kal ang.

❑ **Mizoram Christian College (MCC)**

Mizoram Christian College-a 1st Semester admission ti duh tan May 1, 2024 (Nilaini) aṭangin admission hawn ṭan a ni a. MCC-a Bachelor of Arts (BA) zir duh tan - English, Mizo, Political Science, Public Administration leh Sociology subject-ah admission a tih theih a. B.Com leh BBA zir duh tan admission a tih theih bawk.

B.A admission ti tur tan Fee ₹ 4,500/- a ngai a. B.Com leh BBA admission ti tur tan Fee ₹ 5,500/- a ngai a ni. B.A zirlai tan thla tin ₹ 2,000/- chawi a ngai a, B.Com leh BBA zirlai tan thla tin ₹ 3,000/- chawi a ngai bawk. Hriat chian duh nei tan - Lalrinzuala (Ph: 9612568456) leh P.C. Lalngaihzuala (Ph: 8575948332) te zawh chian theih a ni e.

❑ **Council of Churches in Mizoram Drafting Committee an thu**

May 6, 2024 (Thawhtanni) khan Mizoram Kohhhran inhlawmkhawmna lian ber tur, Council of Churches in Mizoram (CCM) din dan tur ruangam Danpui duangtu Drafting Committee chu BCM Headquarters Office-ah an thukhawm a. Kumin October thlaa Council of Churches in Mizoram dinna tur hmun leh hun te bakah, mawhphurhna chanvo insem dan turte an thlir ho a ni.

CCM Drafting Committee-ah hian Mizoram Baptist Kohhhran, Mizoram Presbyterian Church, Evangelical Church of Maraland, Lairam Isua Krista Baptist Kohhhran, EFCI leh IKK aiawh pahnih theuh an tel a, meeting-ah hian Council hawn ni tur, hawna programme hman dan tur leh hawna hmun turte an rël a. Interim Budget tur bakah Council Constitution te duan niin, an thurel te hi Kohhhran Inpumkhatna Joint committee-ah pawmpui turin an thlen leh dawn a ni.

Council kalphunga mawhphurhna pawh Kohhhran hrang hrang Joint Committee hian siam fel nghalin, President-ah Mizoram Baptist Kohhhran, Vice President-ah Evangelical Church of Maraland leh Isua Krista Kohhhran (Bualpui NG), General Secretary-ah Mizoram Presbyterian Kohhhran, Joint Secretary-ah Lairam Isua Krista Baptist Kohhhran, Treasurer-ah Mizoram Presbyterian Kohhhran leh Finance Secretary-ah Evangelical Free Church of Maraland te an ruat fel nghal bawk.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Tawizo	Thlipui tuar	83	₹ 9,52,000/-
2.	Vanbawng	Thlipui tuar	18	₹ 2,70,000/-
3.	Mualpheng	Thlipui tuar	10	₹ 1,30,000/-
4.	Thenzawl Venghlun	In chhia	8	₹ 72,000/-
5.	Hriphaw	In chhia	5	₹ 50,000/-
6.	Kosopcherra	In chhia	4	₹ 48,000/-
7.	Thenzawl Vengthar	In chhia	2	₹ 20,000/-
8.	Mamit Lungsir	In kang	2	₹ 20,000/-
9.	Phuaibuang Vengthar	Damlo leh khawsak harsa	2	₹ 20,000/-
10.	Khawlian	Damlo	1	₹ 10,000/-
11.	Bairabi Dinthar	In chhia	1	₹ 10,000/-
12.	Buhban	Damlo	1	₹ 10,000/-
13.	ITI	Damlo	1	₹ 10,000/-
14.	Chhippui	In kang	1	₹ 10,000/-
<b>Belh khawm</b>				<b>₹ 16,32,000/-</b>

❑ **FM Zoawi - Aizawl & Lunglei : Hruaina Eng Radio Programme**

May 10, 2024 (Zirtawpni) @ 7:30 p.m. :

**FAK HLA HUANG HUN**

**Solo** : Mawia, **Solo** : Mawitei, **Thusawi** : Rev. Z. John Malsawma Kawlni - Wales Presbyterian Kohhhran chanchin tlangpui, **Solo** : Ngura

❑ **Su Samachar Prasaran Programme :**

May 12, 2024 (Pathianni) 5:30 pm. :

**Group/Choir/Solo** : Lunglei Area Masihi Sangati - Yisu lio tera nam

**Group/Choir/Solo** : Kawngkharmawii - Yeshu Paya Re

**Sermon** : Rev. Jimmy Malsawmdawngliana

**Group/Choir/Solo** : Himali Kohhhran Zaipawl - Isu Mash tere Jeisa Koi Nahi

**Group/Choir/Solo** : R. Jydiel - Mene Tujhko

❑ **Hruaina Eng TV Programme**

**9.5.2024 (Ningani)** 8:30 pm : Thupui zir bing

**10.5.2024 (Zirtawpni)** 5:00 pm : Kristian Naupang Pual

**11.5.2024 (Inrinni)** 5:30 pm : Puitling Sunday School Zirlai

**12.5.2024 (Pathianni)** 8:00 am : Weekly round up

5:30 pm : Su Samachar Prasaran

**13.5.2024 (Thawhtanni)** 8:30 pm : Hruaina Eng Luang chhuak

☐ **Moderator leh Executive Secretary-te Programme:**

**Rev. R. Vanlalnghaka : Moderator**

May 11&12, 2024

Aibawk Bial

May 17-29, 2024

Ramthar Field tlawh (Karbi, Arunachal North, East, West, Assam)

**Rev. C. Zoramawia : Senior Executive Secretary**

May 13, 2024

PPF Board meeting

**Rev. V.L. Luaia Hranleh : Executive Secretary**

May 11&12, 2024

Tlungvel Vengthar Bial

May 13, 2024

Prescom Enthatu Committee

**Rev. Dr. K. Lallawmzuala : Executive Secretary**

May 13, 2024

Hospital Enthatu Committee

May 14, 2024

Music Cell

May 18-19, 2024

Ramthar Campaign - Samlukhai Kohhran

**May 14-a Synod Service Board leh ni 15&16-a Synod Finance Committee-ah te Moderator leh Executive Secretary-te an thuh ang.**

**ADVERTISEMENT**

Synod Multipurpose Training Centre (SMTC), Mission Vengthlang, Aizawlah a hnuuia Trade-ah te hian training hawn a ni leh dawn a. Dilna form hi Office hun chungin SMTC Office-ah lain Kohhran lehkhane ni 14 June, 2024 thleng theh luh theih a ni.

**S/N Training tūr Trade**

**Seat awm zāt**

1.	DCA (1st Semester)	24
2.	Beauty Culture	6
3.	Mobile Phone repairing	6
4.	Electric wiring & repairing of Home appliances	10

**Interview hun:**

1. DCA & Beautyculture tan : Ni 18 June, 2024; 10:30 a.m
2. Mobile repairing & Electric wiring tan : Ni 18 June, 2024; 1:30 p.m

Director  
Synod Multipurpose Training Centre,  
Mission Vengthlang, Aizawl

**SYNOD HSS CLASS XI ADMISSION 2024-2025**

1. HSLC Result chhuah tuk atanga ni 5 (Working Day) chungin School atangin Application Form lak theih a ni.
2. Direct Admission ti thei (Admission Form-ah tarlan a ni ang) ten HSLC Result chhuah atanga ni 2 chhunga tih tur a ni.
3. AMC Area pawna miten Kohhran lehkhathil tel tur a ni.

Sd/-  
Lalsiammawia Fanai  
Principal  
Synod Higher Secondary School

